



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Alius excellentissimus modus Deum semper habendi præsentem

[urn:nbn:de:hbz:466:1-46004](https://nbn-resolving.de/urn:nbn:de:hbz:466:1-46004)

stris in sanctissima fuisse persona illius , propriis ipsius doloribus , sanctificatas. Uno verbo , vivere annitentur , ac mori in perfecta conformitate cum sacratissima Jesu Christi Humanitate.

CAPUT XXXV.

Alius excellentissimus modus Deum exercitus semper habendi presentem.

IV.

idem

Ille in eo situs est , ut Deum agnoscamus in rebus omnibus operantem. Hoc est cuncta de manu ipsius recipiamus , neque creaturas , nisi tanquam ipsius instrumenta , consideremus , sed quæcumque nobis eveniant , illius in providentiam cuncta referamus , illique nostram totaliter conformemus voluntatem. Hoc exercitium mirabilis est emolumenti , animum enim semper erectum , & cor nostrum in magna conservat quiete. Est etiam unum è nobilissimis , quæ in vita spirituali usitari solent , quia consistit in actibus trium virtutum Theologicarum , Fidei , Spei & Charitatis , quæ cæteris omnibus antecellunt. Particulatum id expositum imus.

Fidem hujus exercitiū esse fundamentum.

Ante omnia necesse est firmissimam habere fidem istius veritatis , nihil videlicet in hac vita nobis evenire , quin expressa Dei